

四庫全書

集部

欽定四庫全書

集部

文苑英華卷四百六十四至  
六

詳校官庶吉士臣柳邁祖

助教臣常循履勤

總校官進士臣朱鈐

校對官中書臣鮑之鍾

謄錄監生臣任應銑

欽定四庫全書

文苑英華卷四百六十四 宋 李昉等 編

詔勅六

廢置

置乾封明堂縣制

制集

東臺元天著象於紫微厚地區域於赤縣外崇四岳伊  
帝闡其宏規旁別九州玄王邵其丕績所以料茲物土  
畫野分疆相彼人事觀時濟俗開物成務理則由然高

祖皇帝誕膺靈命肇開景業括囊軒頊孕育胥庭太宗  
文皇帝大聖登期自天縱哲撲崑岑之猛燎拯滄海之  
飛流巍巍蕩蕩無德而名朕以虛薄夙奉瑤圖承累德  
之洪猷履會昌之嘉運中外禔福遠邇乂安仰薦成功  
升禋岱嶽緬惟嚴配祇建合宮感事開元聿光先德俾  
我黎獻永賴隆平寧濟之方實資寬簡鑿寐凝想思致  
厥塗以為翼翼上京率土攸仰剪華抗堞貫渭疏瀾城  
闕崇嚴都邑夷敞戶口盈積市獄殷繁東西兩縣官曹

尚少在於撫字事或難周至於辭訟綜理時闕須分所  
職各使兼濟其長安縣宜置乾封縣萬年縣析置明堂  
縣並於京城內近南安置其戶口即於兩縣逐便割隸  
應須官寮并公廨等一事以上并準長安萬年兩縣各  
令所司處分奏聞庶使憂勤之懷獨暎於前古建元之

慶長垂於後葉

摠章元年十一月二十二日

置鴻宜鼎稷等州制

鸞臺朕聞先王疆理天下也莫不料其土宇相其地宜

分五服以應財成宅三川而適通變辨方樹辟協和之道以隆置郡罷侯經始之圖載遠而區分或異制度罕同連率法於在鎬牧守儀於起沛官稀則政毀地狹則人勞義在隨時期於致乂我大周席蘿闡化夢梓登期

通三授玄扈之濱得一升翠媯之汭

春秋合成圖曰黃帝遊玄扈洛上云

云又河圖挺恠輔日黃帝齊七日維嵩設險聳危峯於

至翠媯之川云云並見藝文類聚少室在河稱防導洪波於太史卜茲洛食是曰奧區物

產孔殷形勝斯在朕仰膺曩命俯叶時雍

詔令作樂推

即瀝

澗之基恢鼎革之運珍符寶貺賁發郊數佳氣榮光昭  
煥川澤建明堂而陟配立清廟以嚴禋方闡隆周之業  
以光卜年之兆况成王定鼎此則餘基永言朝貢實歸  
中壤是霜露之所均當水陸之交會庶齊勞逸無隔遐  
邇作制王畿雖憲章於故實緬惟帝邑未折衷於新規  
宜弘自我之典式廣來蘇之澤但京兆之地舊號秦中  
迺睠編氓最為繁殖一州獨治事多擁滯宜令雍州管  
內析置五州其間於雍州以西安置潼關即宜廢省然

以千里之內舊制通畿征賦所出事資廣遠又王侯設險以固其國若無襟帶何以為守雍州并所柁州同州太州並通入畿內洛州南面東面北面仍各置關庶幾

食菜之家

詔令作地

自分湯沐之邑棄繻之客更從軒蓋之

遊其雍州舊管及同太等州土狹人稠營種辛苦有情願向神都編貫者宜聽仍給復三年百姓無田業者任其所欲即各差清強官押領并許將家口自隨便以次

三字詔令作便於水次

量給船乘作船次進發至都分付洛州受



領支配闕安置訖申司錄奏聞人惟邦本本固邦寧將

以不肅而成既庶而富欲令率土黔黎咸得遂性勞求

安措

一作集

人不廢

詔令作失

業其有諸州人或先緣饑歲流

宕忘歸或父兄去官因循寄住為籍貫屬恐陷刑名荏

苒多時未經首出衛士雜色人等並限百日內首盡任

於神都及畿內懷鄭汴許汝等州附貫給復一年復滿

便依本番上下其官人百姓有情願於洛懷等七州附

貫者亦聽應須交割及發遣受領並委本貫共新附州

分明計會不得因茲隱漏戶口虛蠲賦役并新牒五州  
三面及雍州以西置闕處所司具為條例務從省便奏

聞天授二年七月九日

廢潼關雍洛州置開鄭汴許衛等州府制

詔令作以

鄭汴等州為王畿制

鸞臺朕聞上圖列宿垂七紀而環紫微下科物土制八  
紘而尊赤縣是以帝猷方盛開甸服於平陽王業肇基  
創神郊於景亳雖政或沿革道有汚隆強幹弱枝率由

茲典用能體國經野阜

詔令作濟

俗安人法天險之崇高顯

宸居之壯觀朕膺

詔令作應

此符命大庇黎元俯順謳歌君

臨區夏紹隆周之睿業因丕洛之鴻基相彼土中實惟

新邑五方入貢兼水陸之

詔令作而

駿奔六氣運行均霜露

而調序山川形勝祥祉荐臻遠寐軫心近收曠欲式建

宗社大啓神都知王者之無外明在德之可久粵自夏

殷分土列爵爰及秦漢置守罷侯所以東姬握圖王畿

存千里之制西京御歷帝里據三輔之饒否泰既殊損

益且異務歸於適物義尚於隨時朕以鼎業惟初寶祚  
伊始斟酌今古申畫封疆征賦科徭實資寬簡沃瘠勞  
逸宜有平分緬懷習武之規載隆辨方之術可以洛東  
鄭州汴州南汝州許州西陝州虢州北懷州澤州潞州  
東北衛州西北蒲州為王畿內鄭州汴州許州可置八  
府汝州可置二府衛州可置五府別兵皆一千五百人  
所司詳依格格明為條例庶使固本之道輔轡於前脩  
足兵之義牢籠於振古王者施行

天授二年四月二十九日

却置潼關制

鸞臺山河作固肇自往圖關梁是脩抑惟前典朕情存  
太朴志在無外成臯姬陝勿用咽喉函谷秦封解其襟  
帶欲使鴈行靡拾鶉居不擾而眊俗澆弊浮惰者多非  
所以禁絕末遊作限中外事資權變理貴從宜便可率  
由舊章安置應須脩補及官典兵防一事以上所司速  
準例處分其神都四面應須置關之處宜令檢校文昌  
虞部郎中王玄珪即往檢行詳擇要害務在省功斟酌

古今必令折衷還日具圖樣奏聞

聖歷元年五月十九日

### 置勞州都督府制

朕聞舞干戚者所以懷荒遠固城池者所以款戎夷我國家頃有營州茲為虜障使北戎不敢窺覘東藩由其輯睦者久矣自趙黷失於鎮靜蕃部因此攜離頗有負塗之睽旋聞改邑之歎高墉填塹故里為墟言念於此每思開復達奚饒樂郡王李大酺賜婚來朝已納呼韓之拜契丹松漠郡王李失活遣子入侍彌嘉稅侯之節

咸申懇請朕所難為宜恢遠圖用光舊業其營州都督  
宜依舊於柳城置

置北都制

經邦創制建都設險必因時順人統物立極我國家以  
神武聖德應天受命龍躍晉水鳳翔太原建萬代之模  
為億兆之主猶成湯之居亳有一作姬周之興岐顧朕一作

朕以眇身纂承昌運守宗社一作祖宗之大寶恢中原之鴻業

叶時卜狩始經此一作北都事本因心情兼惟舊近者嘉

一作

禎 祥荐至休瑞屢臻此皆宗祐

一作

降靈神祇潛暨

豈予匪

一作伊非

德獨享厥休昔堯理唐郊武建丹陵之地

漢居洛邑更表南陽之都今王業所興宮觀猶在列於

邊郡情所未安非所以恢大聖之鴻規展孝思之誠敬

其并州宜置北都改州為太原府刺史為尹司馬為少

尹太原晉陽為赤縣諸縣為畿縣官吏品第視關京

河南府

開元十一年正月

一作皆唐大詔令

條理



詳定刑名制

詔令作頒  
行新律詔

制集

門下朕聞大德曰生肖天地而為貴大寶曰位體宸極  
以居貞所以經緯三才彌綸萬物順人心以敷化因天  
討而立刑易稱明罰哀矜之志愈遠書云肆眚簡惠之  
道斯崇故能象服畫冠化隆上葉道德齊禮刑清中代  
暨乎大道既隱淳風已衰元首司契狗驕奢以臨下服  
肱贊道用深刻為奉公罪名積於簡書滋章被於率土  
姬訓夏法峻網備於三千秦革周科深文加於九族漢

祖約法後嗣不勝其弊晉武蠲刑末流竟致一作其酷

遂使茫茫區寓罔行所以實繁蠹蠹黔黎手足為之無  
措自斯以降禁網愈密難深袁準之書事切劉弘之奏  
太宗文皇帝至道難名玄功不測撥亂反正恤獄慎刑  
杜澆弊之餘源削繁苛之峻法道臻刑措二十餘年恥  
格之義斯隆惻隱之懷猶切玉几遺訓重令刊改瞻奉  
隆規興言感咽朕以虛寡夙嗣寶圖寅畏上玄憂勤庶  
類乘奔履薄懼一物之未安盱食宵衣慮萬方之多罪

雖解網之德有慙列聖而好生之惠無媿伊心於是仰  
遵先旨旁求故實詔太尉揚州都督監脩國史上柱國  
趙國公無忌開府儀同三司上柱國英國公勣尚書左  
僕射監脩國史上柱國燕國公志寧尚書右僕射監脩  
國史上護軍北平縣開國公行成光祿大夫侍中監脩  
國史上護軍脩縣開國公高季輔銀青光祿大夫行黃  
門侍郎平昌縣開國公宇文節中書侍郎柳奭右丞段  
寶立太常少卿令狐德棻吏部侍郎高敬言刑部侍郎

劉燕客給事中趙文恪中書舍人孝友益少府丞張行  
實大理丞元紹太府丞王文端刑部郎中賈敏行等爰  
建朝賢詳定法律酌前王之令典考列辟之舊章適其  
輕重之宜採其寬猛之要使夫畫一之制簡而易從約

法之文

詔令  
作章

疎而不漏再移晷月方乃撰

詔令  
始勒

成宜

班下普天垂示來葉庶設而不犯均被皇恩

詔令  
彼上皇

凡在羣司

詔令  
作臣

逮於列岳其務在審慎稱朕意焉

永徽  
二年

閏九月  
十四日

刪定刑書制

門下蓋大帝臨下覆燾之德彰焉聖人在上財成之跡  
著焉然則統天理運微政令不能通其道經國訓人非  
渙汗無以宣其化故羲文演繇后以施命誥四方虞典  
記言帝乃敷文脩九域豈惟道人振鐸理存乎闡教象  
闕懸書義在於垂法雖時分步驟必脩詔令作循先甲之規  
代變驪駮無革達名之軌既而淳源已往澆風漸扇姦  
宄於是萌生譎詐以之颺起相彼群俗頗乖於信義顧

之庶尹罕嗣於忠勤尺一交馳徒有書亭之弊五條間  
出猶招掛壁之譏非所謂光闡帝圖作為人極者也由  
此綠綈爰降尤慎於繁冗黃素所施彌崇於曉諭皇家  
創業抑揚前古粵在貞觀大啓憲章決聲教於幽遐燭  
文明於區宇鴻池衍誥統理詳密螭鈕騰文規模弘遠  
固以貽厥將來懸諸日月朕祇肅鴻業恭臨寶位握千  
載之禎符承百王之末緒凝神閑館託軒亭以憂人深  
誦康衢用堯心而拯物然以萬機事揔恐聽覽之或遺

四海務殷慮綏緝之多闕南宮故事綜覆已殫內史舊

章搜羅殆盡自御宸宸

一作居

每懷冰谷身雖處於巖廊

情實係於億兆比者在外州府數陳表疏京下諸司亦

多奏請朕以為帝命多緒範圍之旨載弘王言如絲彌

綸之道斯洽前後處分因事立文歲序既淹條流遂積

覽之者滋惑行之者愈

詔令作逾

怠但政貴有恒詞務體要

道廣則難備事簡則易從故自永徽以來詔勅摠令沙

汰詳稽得失甄別異同原始要終捐華撫實其在俗

非便事縱省而悉除於時適宜文雖繁而必錄隨義刪

定類別

詔令作以類

區分上稟先規下齊庶政導生靈之耳

目闢風化之戶牖俾夫施之萬祀周知訓夏之方布之  
八埏共識司南之路仍令所司編次具為卷秩施行此  
外並停自今已後諸有表奏事非要切並準勅令各申  
所司可頒示普天使知朕意主者施行

儀鳳元年十月五日

定刑法制

詔令作頒行律令格式制

門下朕聞唐虞膺錄畫象而人知禁夏商御圖設刑而



罪不息周秦以降沿革罕同漢魏而還條流浸廣雖或輕或重一弛一張義在於訓人事期於肅物然則刑辟勿用見稱於昔典法令滋章貽譏於前哲朕情在愛育志切哀矜踈網恢恢實素懷之所尚苛政察察良夙心之所鄙方冀化致無為業先刑措近見所司進律令格式一一自觀至於經國成務之規訓俗懲違之範萬目咸舉一事無遺但能奉以周旋守而勿失自可懸諸日月播之黎庶何事不理何化不成先聖憂勤萬務遺念

庶績或慮須有弛張所以況令刪定今既網維脩舉法制弘通理在不刊義歸無改豈可更有異同別加撰削必年月久遠於時用不便當廣延羣議與公卿等謀之今未有疑無庸措筆其先律令格式之本宜早先布凡厥在職務須遵奉輒造異端妄踰軌躅者咸禁除之庶用刑符於畫一守法在於無二內外寮案知朕意焉

文明

元年四月  
二十二日

申理冤屈制

門下大帝降鑒無幽不燭下人上訴在屈必伸將使處  
巖廊者戶牖絕千里之蔽

詔令作逸

御億兆者門庭無九重

之隔故堯推心以撫俗業濟天下湯克己以察寃惠孚

海內朕祇膺寶歷

詔令作  
歷嗣

寅奉璇圖常居安以戒危每

在得而思失慮一夫之弗獲憂萬方之有罪以為承平

既久區寓至曠州邑相望衆庶殷阜事繁則詐起法弊

則姦生念茲寃滯載懷惻隱是以頻發詔書庶幾息訟

比命申理未副朕懷百姓雖事披論官司不能正斷及

於三司陳訴不為究尋向省告言又却付州縣至有財物相侵婚田交爭或為判官受屬有理者不申或以按主取錢合得者被奪或積嫌累載橫誣非罪或肆忿一朝枉加殺害或頻經行陣竟無優賞或不當矢石便獲勲庸改換文簿更相替奪或於所部憑倩織作少付絲麻多收絹布或營造器物耕事田疇役即伍功雇無半直又境內市買無所畏憚虛立錢價抑取貴物實貪利以侵人乃據估以防罪或進退丁戶等色多有請求或

解補省佐之流專納賄賂或徵科賦役差點兵防無錢

則貧弱先行

詔令作充

有

詔令作行

貨則富強獲免亦有鄉邑豪

詔令作旋

強容其請造或酒食交往或妻子去還假託恩威

公行侵暴凡如此事固非一緒經歷臺省往來州縣動

淹年歲曾無與奪欲使元元何所控告見在京訴訟宜

令朝散大夫守御史中丞崔謐朝散大夫守給事中劉

景先朝請郎守中書舍人裴敬彞等於南牙門下外省

共理冤屈屬戶所有訴訟隨狀為其勘當有理者速即

奏聞無理亦語發遣其有虛相構架浪擾官方若更處  
分喧訴不絕者宜即科決使知懲厲仍限今年十二月  
內使了其在外州縣所有訴訟寃滯文案見未斷絕者  
並令常處速為盡理勘斷務使甘伏勿使淹滯若處斷  
不平所司糾察得實者所由官人隨即科賦一作  
條付布告  
遐邇使知朕意主者施行儀鳳二年十  
一月十三日

省獄官制

詔令作戒大理  
丞廢秋官獄勅

鸞臺崇德簡刑列辟之彞範併官省事有國之良圖聖

人執契以乘時道苞乾大善政改絃而馭俗義叶鼎新  
朕虔荷先基恭臨下土運一心之淺慮憂四海之羣生  
馭朽載兢踐冰惟惕幸賴九玄垂裕七廟宣靈天地以  
清風雨咸若菽粟登稔疆徼無虞茂祉日繁殊禎歲集  
答昊穹之睠命順億兆之誠祈蒼壁靈壇展嚴禋於上  
帝黃金秘牒追顯號於前王大典聿申鴻符允暢斯實  
祖宗之遐慶函夏之多福豈朕虛薄能臻此乎但萬歲  
初元肇開昌歷九章恒憲甫釋嚴科遠近無縲紲之寃

老幼有歌謠之樂人皆遷善政在惟新丹筆刑官已絕  
理梧之聽黃沙獄戶將為鞠草之場而法禁之曹案察  
斯衆司刑一局便有八丞既罕囚徒靜無推案豈煩多  
士虛習夏書宜減二員俾從他職文昌國府建禮天闈  
庶政是歸具寮攸仰諒青縑之美地非頽服之攸居雖  
復時有申讞頗斯聽斷兩造之文必具吾詞之理亦窮  
詎彼狴牢方甄枉直先臺置獄甚謂非宜今欲摠撤踈  
羅寧可別施囹圄其秋官獄即宜除毀朕既深居秘宇



不能徧覽綿區惟仗時賢共康天下州縣牧宰寄重親  
人寮守勾曹任惟綱紀百姓或有愆犯必須盡理推尋  
審知罪狀分明方可禁身科斷不得纒聞小過遽繫園  
扉高下其心同叔魚之驚獄輕重其等棄定國之平刑  
黠吏從姦恣其乾沒要囚多滯積以炎涼有一於茲當  
加貶譴幸悉心而慎罰同底績以勝殘佇弘勿辟之規  
用闡無為之化將使三千之罪永絕於當年豈惟數百  
之刑僅寬於昔代布告天下識朕意焉

萬歲登豐元年  
十月十三日

申寃制

門下九重嚴邃非叫闕之可聞萬邦遐曠因表疏而方

達朕尊居黃屋乃心

詔令作  
心念

蒼生微物不安每切納隍

之慮一人失業更軫宵衣之懷思欲下情上通無令壅

隔所以明四聰者也其官人百姓等有寃滯未申或獄

訟失職或賢才不舉或獻納

詔令作  
進獻

謀猷如此之流任

其投匭凡百士庶宜識朕懷

神龍元年二月二十七日

文苑英華卷四百六十四

欽定四庫全書

文苑英華卷四百六十五

宋 李昉等 編

詔勅七

戒勵官寮制

蘇頌

門下法之所設本以懲非令之必行期於禁止致理為  
要何莫由斯至如官典受贓國有常法承前雖有處分  
在外多未遵奉且不戒視成為暴不令而罰為虐豈含  
容之日詔令  
作自久將訓導之未明歟朕情存畫一過欲不

貳恐愚人陷罪莫識隄防姦吏徇私自嬰微繆未言於  
此明發興懷今日已前既往不咎今日

詔令作  
九百

已後有

犯必繩朕不食言爾無荒怠所以勤勤懇懇預戒百官

詔令作  
九百

者蓋以罰止罰可不慎哉告示遐邇令知朕意

主者施行

先天二年  
九月七日

每日聽政勉勵百寮勅

勅三春布和萬物資始而去冬無雪以迄於今將何以  
敬授人時欽若天道豈政有所缺將教有不明致茲亢

旱深用祇惕堯舜以百姓為心禹湯以萬方罪已朕雖  
薄德匪敢違寧自今以後每日聽政思弘道理俾康庶  
績至於日旰忘食未明求衣惟懷永圖朕之志也凡百  
在位可不勉歟

開元四年  
正月七日

### 命新除牧守面辭

勅自古帝王莫能獨理爰樹侯伯所以分政則今刺史  
之詔令無謂矣蓋欲亭之毒之納於富壽不夭不扎以

致和平朕受天眚命作人父母殷鑒遠圖罔知攸濟頃

者都督刺史惟良是求而寂寥厥聲孰副虛想豈六條  
察舉未詢事以考言將三載黜陟不責實而求當遂令  
進之則易吏煩於送迎退之則難人務於苟且豈所謂  
安孤老長子孫之意邪漢宣由是興言劉廣為之長嘆  
誠有旨也今事謀伊始邦政惟新俾凝庶績思改前弊  
自今已後都督刺史每欲赴任皆引面辭朕當親與疇  
咨用觀方略到任之後宜待四考滿隨事褒貶與之改  
轉諸州上佐五品已上應改轉限亦宜准此夫類其才

則適用久其事則有恒致用執恒未聞不致於理也

詔令

作凡咨爾在位可弗勉哉

先天二年月二十四日

### 誠百寮與供奉人交通制

勅朕聞事君者必在至公行已者貴於獨立如聞供奉

近侍之輩比日因循

一作皆因循節

廣有招携未能周慎爰與

朝列頗相關葺苟非親表不合數至門庭多行請托便

涉趨附眷言此弊須革前非宜體朕懷深自戒勵自今

已後百官輒不得與入內供奉人往還

誠勵御史制

勅御史之職邦憲是司先正其身始可行事當須舉直  
錯往不避親讎糾慝繩違務存公正如聞愆過陰自鼓  
動不即彈射自樹私恩詔令作思私魯無忌憚仍有請托將  
何以寄之鷹隼用屏豺狼如此當官深負所委自今以  
後不得更然

誠勵兵吏部侍郎及南曹郎官制

孫逖



勅銓綜之司名器所屬苟虧審慎必有姦濫及今按詰  
其數頗多馬有害羣罪雖在於胥吏龜之毀積過亦由  
於主守其御史中丞楊慎矜所奏前後知銓侍郎及南  
曹郎官等忝効職司不能舉察合投嚴譴用肅慢官猶  
以久踐朝班夙昭人譽過其能改必在增脩特宜寬宥  
俾自懲警

誠勵吏部兵部禮部掌選知舉官等勅

前人

勅官邪則敗國賞僭則利淫自昔至言政之明誠朕祇膺大寶豈忘兢業臨馭已來且踰二紀期大道之成化冀天下之為公凡百卿士豈不協力而選舉之司委任尤重若名器失序則勸沮何施近者流外銓曹頗多滯濫有塵清議實紊彛章胥吏之徒雖則微賤仕進之路終為厥初必澄源流無雜涇渭不慎於細其傷則多小既不可不懲大亦不可不誠其吏部兵部禮部掌選知舉等官各宜飭勵當盡至公必須杜邪枉之門絕請託

之路何止一變仍圖永清且銓綜九流必仗賢俊取諸  
賞鑒立斷可知何至淹時至稽團奏開聞之後餘甲未  
終既滯官曹長茲罪過舊選未畢新格復脩此乃因循  
實為煩弊自今以後吏部選入三月三十日已前團奏  
事畢兵部二月內畢其流外銓及武舉專委郎官恐不  
詳悉共為取捨適表公憑每至留放之時皆就尚書侍  
郎對定既上下檢察庶在得人而覆車尚在殷鑒非遠  
法不可廢宜識朕懷

誠勵兵部兩司勅

勅設官分職將以奉法禁非實在上下叶心中外一德  
共熙庶績用絕姦源如聞百司頗皆寬縱遂令胥吏得  
以挾私近者兵部令吏因令推鞠或在選曹增減之狀  
雖小人之過則惟其常未言在官亦為踈略朕今申之  
寬宥許以自新庶觀將來冀能効節至如詔令兵吏兩  
司是掌衡鏡進趨者非一揆姦巧者亦百端推而言之  
或所未免無謂幽昧朕皆察焉各宜盡心靖恭爾位

誠勵風俗

誠勵風俗勅四首

制集

勅建立州縣列監官司所以導俗宣風懲姦息暴頃以  
承平既久中外晏安人懷弛慢之心官無警覺之意遂  
使綏宋二州屢奏亂常之黨荆并兩府頻言構逆之徒  
發露雖復數州包藏猶慮未絕此等祇蒙尋自伏誅旬  
日之間警言良善誠按察寬縱禁止不明或使無辜陷  
於非命興言及此深用惻隱詔今作  
隱惻自今以後在州縣

官寮各宜用心檢校或惰於農業專事末遊或妄說祆

訛潛懷聚結或棄其井邑逋竄外州或自銜醫工

詔令作占

誘惑愚昧諸如此色觸類旁求咸須防糾勿許藏匿又

屬當首夏務在田蠶雖則各解趨時亦資官府敷勸若

能肅清所部人無犯法田疇墾闢家有餘糧所由官人

宜加考第功狀尤異者別加外擢若為政苛濫戶口流

移盜發罕能自擒逆謀為外境所告輕者年終貶考甚

者非時解替御史及臺郎出使審加訪察各以狀聞宜

宣示諸州各令所在知悉

文明元年四月十三日

二

門下朕克纘丕業誕膺景命憲章昔典欽若前王克己  
勵精緬思至道宵衣旰食勤脩庶政夙夜寅畏匪遑底  
寧在涉泉冰固知攸濟頃屬殷憂啓運多難興邦禮義  
載復品物咸乂思欲致萬姓於仁壽歸六合於昇平永  
言政途庶幾沿革猶恐學校多闕賢俊罕登牧宰不存  
政理農桑未加勸導樽俎之儀不習冠婚之禮莫脩朕

所以當寧興歎載懷兢惕者矣庠序者風化之本人倫  
之先仰州縣勸導知禮節每年貢明經進士不須限數  
貴在得人先賢廟及州縣學即令脩理春秋釋菜使敦  
講誦之風天下有竒才異行沉伏不能自達及官人百  
姓有能極言時政得失者並令本州責狀封進鄉飲禮  
廢為日已久尊德尚齒弘益極深宜令諸州每年遵行  
鄉飲之禮令有勸慕王公卿士務存訓獎子弟成立則  
有冠婚婚禮糟粕或存冠禮久為廢闕自今以後並行



冠義責以成人之道便知負荷之難食為人天農為政  
本綏撫萌庶勸課農桑牧宰之政莫過乎此刺史縣令  
有課最尤異委廉察使名聞當別加甄擢縣令字人之  
本明經為政之先不稍優異無以勸獎縣令考滿考詞  
使狀有清字無負犯明經及第常選每至選時量加優  
當若屬停選並聽赴集真如設教理歸清淨黃老垂範  
道在希微僧尼道士女官之流並令脩習真寂嚴持戒  
行不得假託功德擾亂閭閻令州縣嚴加檢察私度之

色即宜禁斷諸州縣官有不因選序別犯贓賄非時除  
受官等皆依倚形勢恣行侵剝如有此色仰州長官錄  
事叅軍速勘責奏聞訖宜停務待進止仍委吏部兵部  
速勘責處分諸州百姓多有逃亡良由州縣長官撫字  
失所或住居側近虛作破除或逃在他州橫徵隣保逃  
人田宅因被賤賣宜令州縣招携復業其逃人田宅不  
得輒容賣買其地任依鄉源詔令作原例租納州縣倉不得  
令租地人代出租課寺觀廣占田地及水碾磴侵損百

姓宜令本州長官檢括依令式以外及官人百姓將莊田宅舍布施者在京並令司農卿即收外州給貧下課戶凡此數事咸宜區分繫乎風俗義存獎勸刺史縣令等各申明舊章勉思撫輯罷凋弊之務歸淳厚之源訓導黎蒸宣我朝化書不云乎德惟善政政在養人布告

天下咸知朕意

唐隆元年七月十九日

通鑒唐隆元年七月庚戌朔二十日己巳改元景雲詔令只作十九日是矣英華於十九日之上添

二字恐非

三

黃門朕聞天為大者莫先於育物物最靈者莫甚於愛  
人故樹之侯王以康兆庶朕緬鑒前烈深惟遠圖懼德  
之不脩化之未偃寅畏夙夜如臨泉竚然則疇咨命於  
四岳黜陟存乎三載既以百姓為心明非一人獨理今  
之牧守古稱侯伯賢者任之則循良之迹著不賢者任  
之則愁苦之聲作每冀精於所擇委之俞詔令往豈時

作前

往豈時

或頽靡苟且尚多而吏之殊尤寂寥不嗣靜言政要朕  
用憮然間歲水旱周於郡國倉廩不蓄閭閻荐飢加以  
出攝頗多冗官增弊至於處置皆憑刺舉當於京官內  
簡宏才通識堪致理興化者量授都督刺史等久在外  
藩頻有昇進狀者量授京官使出入常均永為恒式課  
最超等必議昇遷循默守常必裁貶黜昭昭賞罰不可  
不慎屬冬朝禮成春事方起朝集使等俾還所蒞欽若  
朕言官寮間或幹濟清苦或貪濫侵漁灼然稱職及不

稱職並委都督刺史審察奏聞罔或阿容自貽悔咎諸  
道雖遣使存問尚切憂勞牧宰等深體朕懷各宜隱恤  
交正之絕者速量事優當公私債負停徵至秋州縣差  
科務減常日昔國僑相鄭以至和平曹叅相齊貴於清  
靜清靜則不擾不擾則和平和平則不爭不爭則知恥  
愛費而與休息除煩而從簡易自當農者歸隴畝蠶者  
勤紡績既富而教乃克有成導德齊禮不遠斯復庶幾  
在位弘朕此心凡厥遐邇各令委悉主者施行

開元二年正月

十三日

四

勅國家祖武宗文重熙累洽克清寰極大庇生人玄德  
獨化與乾元而資始至道無名合詔令帝先而首出自

削平區宇混一車書六合晏然百有餘載則我文武之  
業有大造於生靈朕嗣守丕運纂承鴻緒恐不敷弘前  
烈光闡睿圖夙夜祇畏若臨泉谷曷嘗不恭默思道寤  
寐勤政從人之欲每以百姓為心屈已之勞常矜一物

失所且夫法久而弊法弊則通制國以立法為先教人  
以地著為事自屬清晏人多媮怠國章或弛亡偽實繁  
今正朔所及封疆無外雖戶口且增而租賦不益莫不  
輕去鄉邑共為浮惰或豪人成其泉藪或姦吏為其  
作囊橐逋亡積歲流蠹日滋雖朕之薄德罪則在予亦  
官無其政吏不守法耳今欲去其末而歸其本開其邪  
而正其德使法有所立人知嚮方是用恤孤窮逸逋貸  
式廣自新之路俾申莫厚之恩



禁制

禁斷錦繡珠玉制

詔令  
作勅

蘇頌

勅朕聞名公曰弗作無益害有益孔子曰奢則不遜儉

則固斯乃聖人

詔令  
作賢

之至言矣叔代遷訛僻王驕縱惟

崇

詔令  
作頌

於玉盃象筋不務於捐金抵璧好之者君也

習之者人也即用疋帛服長纓之類歟朕爰在幼冲每

期質朴乎未曾持珠玉目未嘗觀錦繡願言其志造次

不忘自寅奉休園勉康政道常想漢文衣絺之德晉武

焚裘之事竟未能令行禁止敦本棄末朕甚懼之今王  
侯勲戚下洎廝養所得者重於遠所求者貴於異至雕  
文刻鏤衣紈履絲習俗相誇殊途競爽有妨於政無補  
於時豈朕言之不明教之未篤也且一夫一女不耕不  
織則天下有受其飢寒者今四方晏如而百姓不足豈  
不以尚於珠玉珍於錦繡墾田疇而奪其務出布帛而  
害其功歟其珠玉錦繡等自今以後切令禁斷如更循  
舊弊並歸罪長官仍令御史金吾嚴加捉搦州牧縣宰

勸督農桑待至秋收課其貯積使人知禮節俗登仁壽  
有司仍為條例稱朕意焉

開元二年  
七月三日

斷珠玉等制

詔令作焚珠  
玉錦繡勅

內制

勅朕聞珠玉者饑不可食寒不可衣故漢文云彫文刻  
鏤傷農事錦繡纂組害女功農事傷則饑之本女功害  
則寒之源又賈生有言曰夫人一日不再食則饑終歲  
不制衣則寒饑寒切體慈母不能保其子君焉得以有  
其人哉朕以眇身託於王公之上曷嘗不日旰忘食未

明求衣思使返朴還淳家給人足而倉廩未實饑饉相  
仍水旱或愆糟糠不厭靜思厥故皆朕之咎致有漿酒  
藿肉玉食錦衣互相夸尚浸成風俗夫令之所施惟行

不惟反人之所化

詔令作  
化上

從行

詔令  
作好

不從言是以古先

哲王以身率下如風之靡何俗不易此事近有處分當  
以施行朕若躬服珠玉自玩錦繡而欲公卿節儉黎庶  
敦朴是使揚湯止沸涉海無濡不可得也是知文質之  
風自上而始朕欲捐金抵玉正本澄源所有服御金銀

器物今付所

詔令  
作有

司令鑄為鋌仍別置掌以供軍國珠

玉之貨無益於時並即焚於殿前用絕浮競至誠所感  
期於動天況於凡百有違朕命其宮掖之內后妃以下  
皆服澣濯之衣永除珠翠之飾當使金土同價風俗大  
行日用不知克臻至道布告遐邇通知朕意焉

開元二  
年七月

### 禁斷女樂勅

蘇頌題

勅朕聞樂者起於心心者動於物物不正則不可為樂  
樂不和則不能理人况天生黎蒸區別男女外則導之

以禮中則由之以樂苟或不臧孰云致理自有隋顏廉

庶政彫弊

詔令  
作缺

徵聲徧於鄭衛街色矜於燕趙廣場角

抵長袖從風聚而觀之浸以為俗此所以戎王奪志夫

子遂行也朕方大變澆訛用清滯蠹眷茲女樂事切驕

淫傷風害政莫斯為甚既違令式尤宜禁斷自今以後

不得更然仍令御史金吾嚴加捉搦如有犯者先罪長

官務令杜絕以稱朕意

開元二年  
八月七日

禁斷大酺廣費勅

勅禮存寧儉書戒無益約費嗇財為國之本至如賜酺  
合宴正欲與人同歡廣為聚斂固非取樂之意况目徇  
於奢是不誠也心勞於偽是不經也殷鑒於此良增詔

作憮然自今以

詔

已後兩京及天下大酺

詔

合作所

山車旱船結綵樓閣寶車等無用之物並宜禁斷先天

八月二  
十五日

### 禁斷妖詛等勅

勅釋氏汲引本歸正法仁王護持先去邪道失其宗旨

乃般若之罪人成其詭怪豈涅槃之信士不存懲革遂  
廢津梁眷彼愚蒙相陷坑穽彼有白衣長髮假託彌勒  
下生因為妖訛廣集徒侶稱解禪觀妄說災祥或別作  
小經詐云佛說或輒蓄弟子號為和尚多不婚娶眩惑  
閭閻觸類寔繁蠹政為甚刺史縣令職在親人拙於撫  
馭是生姦宄自今以後宜嚴加捉搦仍令按察使採訪  
如州縣不能覺察所由長官並量狀貶降

開元三年十一月十七日

禁斷臘月乞寒勅



勅臘月乞寒外蕃所出漸漬成俗因循已久至使乘肥  
衣輕競矜胡服闡城溢陌深玷華風朕思革頽弊返於  
淳朴書不云乎不作無益害有益功乃成不貴異物賤  
用物人乃足况妨於政要敗詔令作取非紊禮經習而行之  
將何以訓自今以詔令作已後即宜禁斷開元二年十  
二月七日

勅詔令作禁天文圖讖制詔令作詔

常 袞

勅天文著象職在於疇人讖緯不經靈深於疑衆蓋有  
國之禁非私家所藏雖裨靈明徵子產尚推之人事王

形必驗景略猶寘於刑典况動涉

詔令作皆

訛謬率皆

詔令作是

矯誣者乎故聖人以經籍之義資理化之本仄言曲學

實紊大猷去左道之亂政俾彞倫而攸叙自四方多故

一紀于茲或有妄庸輒陳休咎假造符命私習星歷共

肆窮鄉之辯相傳委巷之談飾詐

詔令作偽

多端順非而澤

熒惑州縣誑誤閭閻懷挾邪妄

詔令作懷紀挾邪

莫逾於此其

玄象器物

詔令作句

天文圖書讖書七曜歷太一雷公式等

準法官人百姓等私家並不合輒有自今以

詔令作已

後宜

令天下諸州府切加

唐書作宜

禁斷各委本道觀察節度等

使與刺史縣令嚴加捉搦仍令分明榜示鄉村要路并勒隣伍遞相為保如先有藏蓄者限勅到十日內齎送官司委本州刺史等對眾焚毀如限外隱藏有人糾告者其藏隱人先決杖一百仍禁身聞奏其糾告人先有官及無官者每告得一人超資授正員官其不願任官者給賞錢伍百貫文仍取當處官錢三日內分付訖其狀聞奏告得兩人已上累酬官賞其州府長史縣令本

判官等不得捉搦委本道使其名彈奏當重科貶兩京  
委御史臺切加訪察聞奏準前處分咨爾方面勲臣洎  
十連庶尹罔不誠亮王室簡于朕心無近愼諒令作人

慎乃有位端本靜末其誠之哉

大曆二年  
正月癸酉

文苑英華卷四百六十五

欽定四庫全書

文苑英華卷四百六十六 宋 李昉等 編

批答一

答上尊號

答百寮上尊號第四表

內制

省表具知前上三章皆有報旨推本帝王之道研究天

人之際可謂盡矣能無亮

一作諒

哉朕辭愈堅來奏愈懇

考著龜之意酌卿士之心義貴從人事難徇志然體未

濟之象敬慎居方

一作警  
慎將然

復大畜之文模法往行虞舜

勤人以恭已文王事帝而小心自勵則鑒乎殷湯盤銘

持盈則戒乎周廟敬器還珠却馬使無媿於前修

一作  
賢

菲食罷臺冀有示於來代率是道也庶無悔乎勉徇

一作

遂羣心祇循祖訓敬允誠請愧惕良深

寶曆元年  
四月三日

一作皆唐大詔令

答元和南省請上徽

一作  
尊

號表

常袞

省表具知朕績嗣鴻業託於王公之上常恐陟道猶淺

燭理未明夙夜祗畏罔或

一作敢

寧逸至於法天象以垂

制順人心而平亂立刑辟而不峻興禮樂

一作教

而不倦

簡出澆浮延納忠直思濟于道保合太和今寰海削平

載索弓矢皆賴於輔弼之誠

一作臣

盡規於左右將帥之

畧宣力於邦家循省表章請崇徽號武功文德揚美於

予用愧于懷何以及此尚以昆夷未叙邊鄙猶虞不果

一作敢允從宜斷來表

元和十四年

一作皆唐大詔令

答請上尊號第三表

省表具知昔我祖宗每崇徽號皆以道侔天地澤被生靈故請之不疑而受之不愧是謂典禮鴻光赫然朕以寡昧祇承寶位寅恭詔令作虔躬惕勵不敢荒寧常懼理化

未敷非以自尊為善

詔令作意

若蕩清寇孽修舉政刑此乃

中外英賢叶心所致况復前疏亦已言之卿等善則稱君過陳功德表章三至益愧于懷豈大體之必然何懇言之不已沉吟終日未果允從



永貞元年答宰臣請上尊號表

編制

省表具知伏以高祖太宗接千載之統垂無疆之休太  
上皇承九聖之烈傳莫大之慶嗣德績業允武允文宏  
帝堯之欽明宗立元之清靜付朕天下頤神保和至道  
光於唐虞至仁合於天地卿等虔述休德祇獻鴻名循  
省再三允符朕志詔令  
作意朕獲守寶位丕承睿訓雖嚴恭  
寅畏不敢怠遑而澤未洽於群生理未臻於皇極遽言

徽號何以當之雖嘉乃誠難遂來請其上獻太上皇尊號宜依所奏凡百卿士當體至懷

元和二年答宰臣請上尊號第二表

編制

省表具知朕獲承丕緒以撫萬邦照臨無日月之明膏潤無江海之浸常恐吉蠲雖備未享於天心教導雖勤未諧於人欲諒慙菲德敢議鴻名而鼎臣宗公群后庶尹上引祖宗之丕矩下述黎獻之深誠誠予以處泰而

思勞告予以受名而務實陳以懇迫至於再三先典不可以固違群情不可以屢阻與其牢讓而繁飾不若納規而徇公遂抑至懷勉從來請顧惟不稱兢惕殊深二十

月二十  
二日

元和十四年答宰臣請上尊號第四表

編制

省表具知建宗名加大號必自盛德而因全功苟非其時難以擬議朕紹十皇

一作

之統緒尊百代之憲章冕

而事天憂慄

一作懼

不暇乃者忠臣敦化良將策勲有寇

難而必殄必平用兵戈而不蝗不早此乃多士叶力成

茲小康豈予一人獨運而致卿等四陳章疏每瀝肺肝

同

一作表

士庶之誠心徵朝廷之故實願飾虛美皆為過

談論而復來勢不可止雖重煩典禮殊不自安而深念

奏陳亦當從欲

一作乞

免依所請良用愧懷

六月七日

一作昏唐大詔令

大中元年答宰臣請上

詔令作百察請加

尊號第三表

省表具知朕獲承丕業

詔令作緒

奄有萬方憂物之心常懷

惕厲荷天之力漸至底寧此皆中外元僚文武庶政咸  
有一德以匡冲人而卿等猥以鴻名加於菲薄拜章瀝  
懇至於再三伏念自列聖以來何嘗無今日之請然卒  
不能讓者上慰宗廟之靈下迫群臣之願粵予小子豈  
敢久勞卿士大夫之心哉敬允乃誠良深自媿所乞宜

依  
月十

長慶元年批宰臣請上尊號第二表

元 積

省表具知朕聞天職生植聖職教化天職舉則四時行  
聖職修則萬方理然而天不以行四時而為德故蕩蕩  
無名聖不以理萬方而為功故謙謙不宰顧朕小子獲  
承丕圖上賴祖宗之靈下託股肱之力先定鎮奠次來  
幽燕皆吾日月之所照臨車書之所輟跡失之則有以  
自愧得之則何足自多况今四海雖清物力方困六戎  
雖伏邊備尚勞百吏雖存官業詔令多曠萬目雖設紀  
作守

律未張有此四者不敢違寧思與卿等夙夜俾乂卿宜

為我提振大法修明政經警

集作  
備

竄戎夷阜康黎庶四

者既理名焉用之朕方以臯夔之務委卿卿宜以堯舜

之事教我

詔令  
作朕

驟加徽號深耻近名循省表章難遂

集  
作

拘來請月

### 批第三表

省表具知昔齊桓議封禪管仲

詔令作  
叔非

驟諫其未宜晉

武平江東何曾深惟於

詔令  
作其

遠馭彼二臣者居安思危

之志明而有隱無犯之誠切也况朕寡德謬膺

集作應

昌

期賴先帝削平之威蒙列聖浸漬之澤聿來燕冀甫

詔令

作克靖華夷既無德而有成實以祥而為懼卿等所宜朝

夕納誨警予荒寧雖休勿休日慎一日而乃過為溢美

頻上鴻名諒多丹

集作志

赤之誠殊非藥石之愛汝為予

礪為朕揣摩

集作摩

汝為予舟為朕康濟強我懿號不若

使我為有道之君加我虛尊不若居我於無過之地宜

罷來請用副迺懷



批第四表

省表具知朕以正月元日祇見於九廟對越於上玄千

官在前萬乘在

詔令  
作居

後親聲明文物之盛望城社宮闕

之尊尚念高祖太宗艱難於經營德宗憲考殷勤

集作  
憂

於丕纘復懼不克負荷以羞前人寅畏嚴恭式冀無過

而燕趙底定戎獯和寧實惟列聖之休安

集作  
焉

敢自大

其意左右輔弼庶尹師長猥以鴻名願加薄德三詔執

事抑而不

詔令  
作未

行物議逾

詔令  
作彌

堅予衷未信四陳章表

備引詔令古今且曰告度之時寧忘繼志問安之下胡

不慰心事有切於顯榮理難從於封執於戲允恭克讓

既見奪於群情克己為仁庶自勤於三省勉依來奏深

用愧懷五月

答元義等請上尊號表

白居易

省表具知朕自君臨運逢休泰歲時豐稔兇醜殄夷此  
皆宗社降靈忠賢宣力顧惟寡德敢受鴻名卿等發于  
集作懇誠上尊美號雖屬人望難貪天功宜悉所懷勿  
中發

固為請

答黃裳請上尊號表

省表具知朕以薄德嗣守丕圖不敢遑

集作荒

寧以弘理

道幸屬歲時豐稔兇寇梟夷風雨不愆祀

集作禮

園丘以

報

集作而致

本雷霆未震蒙太社而服刑斯皆十聖降靈幽

贊寡昧百辟叶德馴致和平永惟鴻名實懼虛美卿上

稽祖訓下酌羣情陳獻表章請加徽號洎于公卿士庶

集作

王公卿士降及耆艾緇黃咸一乃心各三其請朕嘗以宰元

化者曲成於物法天道者從欲於人雖恤隱泣辜未臻三五之化而樂推忻戴難違億兆之心德非稱焉讓不獲已勉從所請深媿于懷

答李扞等謝許上尊號表

省表具知朕自臨萬邦僅經三載位雖託於人上化未洽於域中永念眇身敢當大號卿等義深宗室忠盡君親一其精誠三有陳獻迫於人望厭於天心遂抑所懷勉從其請固辭而事非獲已撫德而何以堪之再省謝

章彌增惕慮

集作屬

答賀赦

答朱仕明賀冊尊號及恩赦表

前人

省表具知朕以寡德嗣承睿圖俯從衆情

集作誠

免受鴻

稱慶之大者豈在予一人推而廣之宜及爾百姓爰因受冊之禮遂施作解之恩俾與群生同斯大慶卿盡忠訓旅推美奉君省茲賀陳深見誠至

批宰相賀赦王承宗表

省表具知先臣武俊功不可忘後嗣承宗過而能改朕  
所以捨其罪悔議以勲親垂宥善集作過之恩尚宜及爾

十代引泣辜之責誠合在予一人與其黷武而取威不  
若匿瑕而務德卿等重居台輔密贊謀猷發於忠集作衷

誠有此稱賀省閱章表集作奏嘉歎久之

答賀德音

答王承宗謝洗雪及復官爵表

前人

省表具知帝者之道藹然無私唯推赤心以牧黔首故  
一夫不獲若納之於隍一物歸誠則容之如地况卿家

聯懿戚寵自先朝祖立茂功賞延後嗣因人註誤不汝

疵瑕浸

集作滌

以恩波煦之寵澤撫舊封而察廉六郡進

新律而統制三軍蕩穢加恩何以過此及觀

集作觀

來表

乃見深誠言必由秉事皆知感承家襲慶誓繼力於前  
修補過酬恩願指期於後効永言爾志甚叶朕懷兔思

始終用副眷囑所謝知

答李嗣賀處分王士則等德音表

前人

省表具知朕臨馭天下以懲勸為先有惡必誅無功不  
念顧承宗之罪誠合討除思武俊之勲宜令嗣襲况墳  
墓禁其剪伐將校許以歸降庶明用師蓋非獲已卿職  
修卿寺誠奉宗枝省茲賀章備見忠蓋

答王錡賀賑卹江淮德音表



省表具知水旱流行江淮艱食朕明申詔旨親遣使臣  
蠲其逋租賑以公廩爰興利物之利用表憂人之憂庶  
俾疲氓均沾惠澤卿克勤所集作乃職共理為心省茲賀  
陳深見誠意

答宰相杜佑等賀德音表二首

前人

省表具知古先聖王既託集作託子人上與百姓同其欲與

天下同其憂唯是推集作推是心可底於道朕臨御萬國迨

茲五年惕厲之懷雖勤於夙夜伏臘

集作  
憇伏

之候猶害於

歲時思革弊以救災在濟人而損己是用欽刑緩死責  
已恤貧罷郡國之貢珍省宮廡之煩費延春令而布仁  
行惠先南風而解愠阜財庶憑歡心以召和氣卿等或  
匪躬獻替或悉力弼諧啓沃之間已申霖雨之用變理  
之際佇見陰陽之和各宜勉之以輔予理所賀知

二

省表具知朕以春候發生歲功資始順陽和而布政賑

貧乏而勸農載念罷集作罪非人因除弊事隨其所利施以  
為恩富庶之端實漸於此卿等義敦宗戚誠揭君親省  
茲賀陳用增嘉歎

答宗正卿李詞等賀德音表

省表具知朕統承鴻緒子育蒼生累歲有秋今春不雨  
在陰陽之數雖有盈虛為父母之心敢忘惻隱俾除人  
弊以盪歲災卿等任重宗卿恩連屬籍省茲陳賀深見  
忠誠

答將軍方元蕩等賀德音表

省表具知朕以時暘糾候春澤愆期思備旱之方無如  
貶省務動天之德莫若精誠是以修己恤人去煩節用  
冀答天戒以致時和卿志竭邦家職修軍衛省茲章表  
深用嘉之所賀知

批宰臣賀下誅迴鶻德音表 封 赦

省表具知迴鶻背棄恩親犯擾邊鄙梟音不息獸性難  
馴自號天驕常為國患比者雖聞困弱尚肆猖狂朕念

以親姻隱忍而已良思忌器難決用師曾無悔禍之詞  
屢有干誅之狀戎臣奮志甲士齊心用奇而果建殊勲  
決勝而且無遺策今則公主歸止元兇遁逃罪惡既盈  
誅夷難逭用頒制命以正典刑每思除害之言豈以佳  
兵為念故非獲已有愧賀章



文苑英華卷四百六十六

欽定四庫全書

集部

文苑英華卷四百六十七至七十

詳校官庶吉士 臣 柳邁祖

助教 臣 常循覆勘

總校官進士 臣 朱 鈐

校對官中書 臣 鮑之鍾

謄錄監生 臣 任應璣

欽定四庫全書

文苑英華卷四百六十七

宋 李昉等 編

批答二

答賀破賊

答宰臣賀破賊狀

張說

省表具知蠹茲戎狄侵軼邊鄙不交鋒刃自取敗亡既  
邊將之功亦天道所棄心之有慰與卿同之

答薛平

集作  
萃非

賀生擒李錡表

白居易



省表具知朕自嗣耿光每多惕慮念必先於除害志無

忘於安人李錡大負國恩自貽天討

集作罰

師徒未勤

集作

動於疆場父子俱肆於市朝信上天之禍淫與率土而同慶省視來表深鑒乃誠所賀知

批百寮賀王宰破陽城縣賊表

封 教

省表具知討彼狡童萃乎茂

疑作戍

卒星霜既換牛馬未

遑每軫勞懷渴聞捷報今者王宰麾下大破賊徒廣治

砦既已平除陽城縣復見誅滅自茲乘勝足以震威蕩  
定有期凱旋可徒疑作外禦多忠臣之力內謀有賢相  
之籌豈無成功亦復何慮所賀知

批宰臣賀石雄破賊陣表

省表具知有名之伐義勇爭登干紀之克幽明共戮逆  
順之理何嘗不然况內有賢相之謀外多良將之力舉  
則必勝動皆成功吉語屢聞闕來獻相繼

於道涂斬級申威每盈於原野蓄產兵仗所獲蓋多武

力軍聲殊為善陣想其危亟坐見清平卿義極謨猷道光翼贊推功之賀懷愧良多所賀知

批宰臣賀正月一日河中陳許行營破迴鶻表

前人

省表具知迴鶻恃衆忘恩棄盟犯境朕以勲親是念討伐未行而乃尚肆梟音敢回狼顧恣行驅劫涂疑見奔衝戰士等蓄銳多時奪身自効猶闔之獸何足以枝梧成擒之虜幸獲於逃遁蜂虿自滅馬牛皆歸此實上帝

威靈輔臣謀畧豈予薄德所可致焉循省賀章良多媿  
慰所賀知

批宰臣賀太原破迴鶻奪得太和公主表

前人

省表具知朕聞匈奴為中國之患者久矣爰自漢魏迄  
于周隋制控之謀罕見其術暨乎國朝以懷柔之道稍  
致和寧然猶邊兵遠屯貴主下嫁國用且費人心未甘  
昨者迴鶻以失國為詞款塞相託朕懸知矯詐且永疑  
作

示  
含容旋肆臬音屢聞狼顧虜騎唐突羽書飛馳方命  
戎臣各嚴師律可汗不知藏匿尚敢猖狂繇是我載張  
天威震貔貅之勇整奮其威稜犬彘之微豈煩於牙齒  
邊塵掃蕩公主歸還豈獨壯於茲辰實可超於遠古此  
皆上元降佑九廟垂休臺輔元臣咨謀允叶不然予之  
寡昧何以致焉順美之詞省章多愧所賀知

答賀表

答張九齡賀西幸延期表

魏知古

附見張九齡集

省表具知朕初聞三輔之間今歲善熟朕緣陵寢誠欲

西幸

集作行

然積累虛

集作虛累

年乍得小稔即又聚食心所

集作所慮

重難儻夏麥不登未免匱乏百姓不足君集作朕孰

與安所以再三痛懷欲去不忍至於宮苑所樂氣候非

宜苟得人安終不以此為念卿可宣前旨更候後期所

請徧示朝列及宣付史官亦豈

集作屬

煩也任卿等自商

量

太宗答顏真卿賀肅宗即位表

常

袞

附見顏真卿集

省表具知兇逆亂常侵侮中夏曩者潼關失守京國不

寧朕因涉岐梁至於巴蜀遂命皇帝肇登寶歷爰靜祆

氛今官軍益振回紇效欵即議

集作擬

南行共為剪滅卿

忠惟奉國孝則保家懷不二之心秉難奪之操皇帝累

申寵命兼以崇班宜有懋於深恩

集作功

且用光於重寄

集作守

答段祐等賀冊立太子禮畢表

白居易

省表具知朕祗膺統序恭守典常爰推至公乃命長子  
使主國幣用貞邦家冊畢禮成良增感慶卿等各司軍  
衛同奉表章備見忠誠益深嘉歎所賀知

以下五篇並見集本

批李夷簡賀御撰君臣事迹屏風表

前人

省表具知朕思求理化親閱典墳至於去邪納諫之規



勤政慎兵之誠取而作鑒畫以為屏與其散在圖書心存而景慕不若列之繪素目覩而躬行庶將為後事之師不獨觀古人之象卿詞彰順美義見忠規省覽再三深叶朕意所賀知

批百寮嚴綬等賀御撰屏風表

前人

省表具知朕烈祖太宗以古為鏡用輔明聖實致

集作臻

理平垂作孫謀毋懼乎失墜取為殷鑒遂飾以丹青至

若明君直臣前言往事森然在目如見其人論列是非  
既庶幾為座隅之誠發揮獻納亦足以開臣下之心况  
卿等職在儀刑政當補察各勤所任共副茲懷所賀知

答文武百官嚴綬等賀御製新譯大乘本生心

地觀經序表

省表具知朕勤求道本廣挹教源以真如不二之宗助  
清淨得一之化况斯經典時為大乘名理精微翻譯成  
就雖契心則離於文字而得意亦假於筌蹄庶使發揮

因為序述卿等精通外學懇竭忠誠引經贊揚奉表稱賀再三省覽嘉歎久之

答蕭俛孟簡等賀御製新譯大乘本生心觀地

經序狀

省表具知大仙經典最上法乘來自西方閱于中禁將期利益必在闡揚遂命僧徒譯其句偈兼詔卿等潤以文言昨因披尋深得真諦悟本生不滅之義證心地無相之宗方勤護持聊著序引永言述作猶愧聖明卿等

賀陳良深嘉尚

答謝表

批王播謝官表

元稹

省表具知朕聞有衆不言弱有地不言貧是以管夷吾  
用區區之齊而諸候九合今朕四海之大億兆之衆獨  
不能擒庭湊克融而曰物力先困朕甚惑焉况高祖太

宗之法令具存德宗憲宗

集作考

之舊老

集作章

猶在制誥

比下選狀

集作技

日聞較量重輕勤恤人隱而室閭益耗

縣官益貧職業壞墮程品差戾議論講貫殊無古風意  
朕聽之不聰而股肱耳目莫得宣其効也先皇帝以卿  
有廊廟之畫倚以為相眇朕小子得而用之卿宜勉竭

誠懷副茲屬望

集作  
嘉屬

答杜兼謝授河南尹表

白居易

省表具知卿文通史道學達政源凡歷官常輒聞績効  
觀能以授俾亞理於三川試可而遷宜專臨其一府盡  
委封畿之政仍兼運漕之權歲時之間佇有勞

集作  
勤

効

勉勤

集作  
恭

爾職重副予懷所謝知

以下四篇並見集本

答劉總謝檢校工部尚書范陽等兩道節度使

表

省表具知卿幼承義訓長有令聞能遵忠孝之風不墜  
弓裘之業朕所以命加異等寵冠常倫特授雙旌超登  
八座豈唯延賞亦在任能將懋前修勉申後効載省章  
疏深鑒誠懷所謝知

答裴垍謝銀青光祿大夫兵部尚書表

前人

省表具知卿自居鈞軸日獻謀猷戴君常竭其股肱憂國每形於顏色及嬰疾疴益不遑安未踰四旬以至三讓撓謙秉易退之道堅懇陳難奪之詞遂抑朕心俯從卿請而七命印綬五兵尚書官秩甚崇事務稍簡就以優養冀乎和平載省表章深見誠意所謝知

答薛平謝授浙東觀察使表

省表具知卿久踐吏途累聞能政及居藩鎮尤見忠勤  
訓道而群黎向方廉察而列郡承式實嘉乃績每簡予  
心宜遷雄劇之藩以廣循良之化勉於為理副朕所懷  
所謝知

答李卿謝二品狀

苑 咸

省表具知以卿有渾厚之德貞固之行遠勵衣冠近光  
宗室况友于之美克贊昇平故改以章綬之名用表禮  
賢之意也所謝知



批劉悟謝上表

元稹

省表具知朕聞上黨亦天下勁兵處昔者李抱真用之  
一舉破朱滔再舉蹙田悅訓養十萬威聲殷然人到于  
今號為良將夫以卿之勇義才畧猶將遠慕韓彭區區  
抱真夫豈難繼况以克融庭湊之狂脆小賊比朱滔田  
悅之結連大盜集作熾大結連是猶以孩嬰而校賁育也蜂蟻  
相聚其能久乎卿宜密運謀猷明宣號令避狂擊情取  
暴撫羸勿爭蛇豕之鋒直取鯨鯢之首再圖麟閣永煥

縑緡無為他人所先當使功居第一策勲在近勿復為  
勞所謝知

答元膺

集作應非

投岳鄂等觀察使謝上表

白居易

省表具知夏口重鎮屬在時賢非明肅不能理其軍非  
簡儉不能阜其俗以卿有仁厚之質審直之風累踐班  
行皆著名節遂輟中憲往臨外藩知己下車當集作深慰  
人望佇茲報政用副朕懷所謝知

答李廓授淮南節度使謝上表

前人

省表具知卿抱兼人之才秉徇公之節每登要職輒

集作

悉著能名若刃發硎投而不滯如玉在佩動必有聲朕

以距淮而南人物繁會非廉明何以貞師察俗非簡惠何以通商綏農前勞既彰後効何遠載省來表知己下車勉副虛懷佇觀新政所謝知

答元素謝上表

省表具知卿用兼文武識合變通輟綱領於中朝授麾

幢於重鎮

集作外門

吏能足以惠物將畧足以董戎人望所

歸予心是賴知卿已到本鎮當慰疲人深藉撫綏之方

以安凋瘵

集作弊

之俗日期報政歲望成功勉勤所圖用

副朕意

答杜兼謝上河南少尹知府事表

前人

省表具知三川

一作帥非

封畿實重其任貳職綱紀亦難其

人卿素懷器能累著聲績亞理以明慎選專領以展長  
才知已下車當親綏撫佇聞報政用副憂勤祈謝知

批敬昕謝上表

封教

省表具知卿蹈履中和修潔大雅推經筭而微言如貫  
聽文韻而清音不窮亟稱才能歷踐華顯洎尹正洛汭  
臨戎孟津治不避諱  
恐作理行推高號令有律遽遷白馬重擁  
青幢接畛素洽於訶謠先聲載揚於道路既聞至止當  
慰予懷所謝知

批盧鈞謝上表

省表具知負才畧者不辭於難事付重難者思得於才  
人朕以上黨雄軍壺關重寄劉悟始以勲力授之旌旄  
而擁鄆州兇孽之餘汙潞府忠良之俗苛法脅衆偽言  
欺天洎從諫襲有父兵坐邀朝命嘯聚姦惡稔成悖兇  
狡豎何知羣逆相濟以卿端厚可以鎮俗誠明可以訓  
戎舉二鎮之旌旗滌五州之汙染果有變節翻為吾人  
今元兇盡誅舊風可復已知到鎮用深慰懷善撫傷夷

務矜凋瘵候爾報政副予所知

批鄭涯謝上表

省表具知卿道茂播紳望高班列夷澹自處

一作守

端莊

有嚴直如朱絃清比嘉玉內庭西掖留重價於雄文憲  
府南宮藹餘芳於嘉話出入更踐便蕃寵榮所蒞有聲  
溢於聞聽是用授之鈇鉞鎮以荆蠻壓江漢之上游摠  
吳蜀之都會苟非良幹其誰付焉知已下車故多勞止  
勉弘政術必副憂勤所謝知





文苑英華卷四百六十七